



Nuuk, 20. marts 2015

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqquq imaattoq saqqummiuppara.

Naalakkersuisunut apeqquq:

- 1. Suliaq Inatsisartut aaliangernerat tunngavigalugu misissorneqartoq, qinersisoqarnissaa pissutigalugu naammassineqanngittoorsimappat suna tunngavigalugu misissuineq unitsinneqaannarsinnaava?**
- 2. Inatsisartut peqqussutaat Naalakkersuisut suna tunngavigalugu atorunnaarsissinnaavaat?**
- 3. Suliap misissorneqartut naammassineqarsimannginnera sooq Inatsisartunut ilisimatitsissutigineqarsimanngila?**

(Inatsisartunut Ilaasortaq Anthon Frederiksen, Partii Naleraq)

Tungavilersuut:

Ilulissani GU-qalernissaanik, timersornermillu Ilinniarfeqalernissaanik Inatsisartut 2012-imi aaliangersimanagerat pillugu apeqquqteqaatinnut akissummi ilaatigut imatut allassimasoqarpoq:

Issuaaneq:

“Akissut: Misissuineq januarip 31.ani 2013-imi qinersisoqarnissaanik nalunaaruteqartoqarnerani suli naammassineqarsimanngilaq, taamaalillunilu peqqussutigineqartoq atorunnaarluni.”

Qulaani akissummi ersarilluinnartumik allassimavoq misissuineq januar-ip 31-ani 2013-imi qinersisoqarnissaanik nalunaaruteqartoqarnerani suli naammassineqarsimanngitsoq?

Taamaammat assut soqutiginarpoq paasissallugu Inatsisartut Naalakkersuisunut peqqusineri tamarmik, qinersisoqarnissaanik nalunaaruteqarneq pissutigalugu Naalakkersuisut pisinnaatinneqarnerisut suliamik atorunnarsitsissallutik ? Aamma suliaq misissorneqarluni

aallartinneqareersimangaluarpalluunniit? Sunalu inatsit malittarisassarluunniit tunngavigalugu taamaaliortoqarsinnaava?

Apeqqutit ullut suliffiit qulit qaangiutinnginnerini suleriaaseq naapertorlugu akineqarnissaat kissaatiginarpoq.

(Atima eqqortumik allanneqarnissaa kissaatigaara)